



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**o davanju saglasnosti na Program saradnje sa gradovima u regiji s ciljem realizacije**  
**projekata iz oblasti energetske efikasnosti**  
**(Prijedlog)**

**Predlagač:** Gradonačelnica  
**Obrađivač:** Stručna služba za protokolarne poslove,  
odnose s javnošću i međunarodnu saradnju i  
Gradska služba za održivi razvoj

**Sarajevo, maj 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 31. stav (1) tačka b) i člana 90. stav (1) Statuta Grada Sarajeva („Službene novine Kantona Sarajevo“, broj 7/23), a u vezi s članom 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Gradsko vijeće Grada Sarajeva, na \_\_. sjednici održanoj dana \_\_. \_\_. 2023. godine, donijelo je:

(Prijedlog)

**Odluku**  
**o davanju saglasnosti na Program saradnje sa gradovima u regiji s ciljem realizacije projekata iz oblasti energetske efikasnosti**

**Član 1.**

(Usvajanje odluke)

Ovom Odlukom usvaja se Program saradnje sa gradovima u regiji s ciljem realizacije projekata iz oblasti energetske efikasnosti.

**Član 2.**

(Davanje ovlaštenja)

Ovlašćuje se gradonačelnica Grada Sarajeva da poduzme aktivnosti potrebne za uspješnu realizaciju Programa saradnje sa gradovima u regiji s ciljem realizacije projekata iz oblasti energetske efikasnosti.

**Član 3.**

(Sastavni dio)

Sastavni dio Odluke je Program saradnje sa gradovima u regiji s ciljem realizacije projekata iz oblasti energetske efikasnosti

**Član 4.**

(Stupanje na snagu)

Ova odluka stupa na snagu danom donošenja i bit će objavljena u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

Broj:  
Sarajevo, \_\_. \_\_. 2023. godine

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u članu 31. stav (1) tačka b) i članu 90. stav (1) Statuta Grada Sarajeva („Službene novine Kantona Sarajevo“, broj 7/23) kojim je propisano da Gradsko vijeće donosi odluke, druge propise i opće akte i daje njihovo tumačenje, odnosno da Grad Sarajevo može pristupati međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom, te da odluku o pristupanju udruženjima, odnosno ostvarivanju saradnje donosi Gradsko vijeće, kao i u članu 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09) kojim je propisano da gradonačelnica za ugovore iz oblasti međunarodne saradnje mora pribaviti saglasnost Gradskog vijeća, u skladu s Ustavom, zakonom i Statutom.

### RAZLOZI DONOŠENJA

Programom rada Gradskog vijeća Grada Sarajeva za 2023. godinu, broj: 01-GV-02-2024/22 od 28.12.2022. na prijedlog Komisije za međunarodnu saradnju Gradskog vijeća Grada Sarajeva, u poglavlju XVI Saradnja i udruživanje, uvršten je prijedlog Programa saradnje sa gradovima u regiji s ciljem realizacije projekata iz oblasti energetske efikasnosti.

Kada je riječ o unaprjeđenju infrastrukture, energetske tranziciji i klimatskoj neutralnosti, gradovi i općine Zapadnog Balkana suočavaju se s brojnim izazovima, među kojima su nedostatak ljudskih resursa koji su neophodni za pripremu projekata, te ograničene mreže potencijalnih partnera, kada je riječ o prekograničnim i drugim evropskim projektima.

U cilju pronalaženja odgovora na navedene izazove, Grad Sarajevo je pokrenuo osnivanje Mreže gradova koja će raditi na jačanju gradskih projektnih timova u cilju pristupanja fondovima Evropske unije i drugim fondovima, i povećanja njihove baze potencijalnih projektnih partnera. U tu svrhu, u Sarajevu je 07.03.2023. godine potpisan Memorandum o razumijevanju o uspostavljanju mreže gradskih projektnih timova za Zapadni Balkan između Grada Sarajeva i gradova: Mostara, Leskovca, Novog Pazara, Svetog Nikole, Bara, Podgorice, Prištine, Elbasana i Mreže asocijacija lokalnih vlasti Jugoistočne Europe.

Uzimajući u obzir da su gradovi Sarajevo, Elbasan i Podgorica već uspostavili saradnju u okviru programa Evropske unije „Misija 100 klimatskih neutralnih i pametnih gradova do 2030“ i da žele nastaviti i proširiti postojeće prijateljske odnose zajedničkim apliciranjem na projekte EU, regionalna saradnja u oblasti energetske efikasnosti odvijat će se u okviru saradnje ova tri grada, s mogućnošću priključenja drugih gradova iz regije.

### SREDSTAVA ZA PROVOĐENJE ODLUKE

Sredstva za provođenje ove odluke osiguravaju se u Budžetu Grada Sarajeva.



**Grad Sarajevo**  
**City of Sarajevo**

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Grad Sarajevo**  
**GRADONAČELNICA**

**PROGRAM SARADNJE SA GRADOVIMA  
U REGIJI S CILJEM REALIZACIJE PROJEKATA IZ OBLASTI  
ENERGETSKE EFIKASNOSTI**

**Predlagač:** Gradonačelnica

**Obrađivač:** Stručna služba za protokolarne poslove,  
odnose s javnošću i međunarodnu saradnju i  
Gradska služba za održivi razvoj

**Sarajevo, maj 2023. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 407 443  
**Fax:** +387 33 208 341  
**Email:** grad@sarajevo.ba  
**Web:** www.sarajevo.ba



Programom rada Gradskog vijeća Grada Sarajeva za 2023. godinu, broj: 01-GV-02-2024/22 od 28.12.2022. godine, na prijedlog Komisije za međunarodnu saradnju Gradskog vijeća Grada Sarajeva, u poglavlju XVI Saradnja i udruživanje, uvršten je Program saradnje sa gradovima u regiji s ciljem realizacije projekata iz oblasti energetske efikasnosti (prijedlog).

Gradovi i općine Zapadnog Balkana suočavaju se s brojnim izazovima kada je riječ o unaprjeđenju infrastrukture, energetske tranziciji i klimatskoj neutralnosti. Premda postoje raspoloživi EU i drugi razvojni programi i projekti, sposobnosti lokalnih vlasti da ih iskoriste su često ograničeni zbog nedostataka ljudskih resursa koji su neophodni za pripremu projekata, te ograničene mreže potencijalnih partnera, kada je riječ o prekograničnim i drugim evropskim projektima.

U cilju pronalazjenja odgovora na navedene izazove, Grad Sarajevo je pokrenuo osnivanje Mreže gradova koja će raditi na jačanju gradskih projektnih timova u cilju pristupanja fondovima Evropske unije i drugim fondovima i povećanja njihove baze potencijalnih projektnih partnera. U tu svrhu je u sarajevskoj Vijećnici dana 07.03.2023. godine potpisan Memorandum o razumijevanju o uspostavljanju mreže gradskih projektnih timova za Zapadni Balkan između Grada Sarajeva i gradova: Mostara, Leskovca, Novog Pazara, Svetog Nikole, Bara, Podgorice, Prištine, Elbasana i Mreže asocijacija lokalnih vlasti Jugoistočne Europe.

Uzimajući u obzir da su gradovi Sarajevo, Elbasan i Podgorica već uspostavili saradnju u okviru programa Evropske unije „Misija 100 klimatskih neutralnih i pametnih gradova do 2030“ i da žele nastaviti i proširiti postojeće prijateljske odnose zajedničkim apliciranjem na projekte EU, regionalna saradnja u oblasti energetske efikasnosti odvijat će se u okviru saradnje ova tri grada, s mogućnošću priključenja drugih gradova iz regije.

Elbasan, Podgorica i Sarajevo trenutno rade na izradi Plana misije i Ugovorima gradova u okviru „Misije 100 klimatskih neutralnih i pametnih gradova do 2030“. Podgorica i Elbasan planiraju koristiti metodologiju koju Sarajevo koristi u okviru Misije, a koja se odnosi na okupljanje međunarodnih institucija koje će finansirati cijeli desetogodišnji proces.

Svako za sebe provodi taj proces, a u okviru Mreže projektnih timova postoje posebne aktivnosti koje se odnose na saradnju ova tri grada i podršku procesima koji gradovi prolaze u okviru misije 100 klimatskih neutralnih gradova.

U skladu sa Memorandum o razumijevanju o uspostavljanju mreže gradskih projektnih timova za Zapadni Balkan Gradska služba za održivi razvoj Grada Sarajeva trenutno provodi sljedeće aktivnosti u saradnji s gradovima Podgoricom i Elbasanom:

- Razmjena iskustava u procesu pripreme Ugovora klimatskih gradova (Climate City Contracts)
- Zajednička obuka o uspostavljanju i funkcioniranju Citizen Assembly
- Zajedničko apliciranje na Horizon pozive koji su namijenjeni za gradove iz Misije
- Kontinuirana komunikacija o svim aktivnostima u vezi Misije.

### **Zaključak:**

Grad Sarajevo, i pored toga što ima ograničene nadležnosti u oblasti energetske efikasnosti, svojim djelovanjem u okviru programa „Misija 100 klimatskih neutralnih i pametnih gradova do 2030“ ima priliku da razmjenjuje iskustva i korisne informacije i saraduje s gradovima iz regije u cilju pristupanja EU i drugim fondovima i povećanja baze potencijalnih projektnih partnera, čime se može značajno doprinijeti vidljivosti i osnaživanju međunarodne saradnje Grada Sarajeva. Ideja je da se, nakon što se uspostavi konkretna saradnja Podgorice, Elbasana i Sarajeva, na temu klimatske neutralnosti, a samim tim i energetske efikasnosti, saradnja širi dalje na ostale gradove u regionu.